

# Kalaallit Nunaata ineriartortinneqarnissaanut iluaqutaasussat

Kalaallit Nunaannut avataanullu assartuieriaaseq allannguuteqassaaq.

Anguniagarput tassaavoq aningaasaliinerit, aningaasartuutillu appariaateqarnissaat aammalu isumannaallisaanerup kiffartuussinerullu pitsanngoriaateqarnissaa.

Royal Arctic Line maanna umiarsuaatit taarserneqartariaqarnerannut atatillugu umiarsuarnut nutaanut aaliangiisoqarnissaanut qinersisussanngorpoq. Royal Arctic Linemip ukiorpassuanngortuni suleqatigisarsimasaa Eimskip aaliangiiffissami aamma tassani inissisimavoq. Niuernerup inissisimaffia eqqarsaatigissagaanni umiarsuaatileqatigiiffik islandimiu nammineerlutni umiarsuarnut angisuunut aningaasaliinissaa pissusissamisuunngilaq. Kalaallit Nunaat, Islandi Savalimmiullu maanna ataatsimik unammilligassaqarput: Umiarsuarnik angisuunik atuineq imminut akilersinnaanngilaq.

Uagut suleqatigiinnerup imminut akilersinnaanera takusinnaavarput, tassami assartugassat annertussusaat aallaavigalugu umiarsuarnik angisuunik sanatitsisinnaagatta, taamaasiornikkullu aningaasaliinerit ingerlatsinerullu aningaasartuutit annikinnerutinneqarsinnaammata containerimut ataatsimut aningaasartuutissat isigalugit.

Ingerlasseqatigiinnerup ilaatigut periarfissat uku pilersissavai:

1. Umiarsuit angisuut Islandimut avammullu Savalimmiut aqqusaarlugu ingerlaassapput aammalu umiarsuit marluk Islandip Kalaallit Nunaatalu akornanni ingerlaassapput. Umiarsuit marluk pisariaqartinneqarput sapaatip akunnerakkaartumik Kalaallit Nunaannut avammullu ingerlatsinissaq ingerlaannassappat, tamannalu isumaqarpoq umiarsuit iluamik atorluarneqanngitsoornissaat tassami ullut marluk pingasullu kisimik periarfissaasammata ingerlaqqinnginnerini. Taamaasiortoqassappallu pisariaqalissaaq assartugassat Kalaallit Nunaannut attuumassusillit Islandimi nuussorneqartalernissaat. Umiarsuit angisuut Kalaallit Nunaanniit avammullu ingerlanneqartassapput Islandi Savalimmiullu aqqusaartassallugu. Taamaasiortoqassappallu umiarsuit angisuut pingasut pisariaqartinneqarput ukioq naallugu sapaatip akunnikkaartumik tikittassappata. Umiarsuit anginerunerata tutsuiginassuseq qaffariaateqassaaq – aamma Islandip Kalaallit Nunaatalu akornanni ingerlaarneq eqqarsaatigalugu.

Aaliangiussassaq pitsaanerpaaq tassaavoq toqqagassaq 2. Tassami umiarsuat sanatinneqartussat marluugatik ataasiinnassammata, taamaattumillu Royal Arctic Lineminngaanniit aningaasaliiffissat annikinnerussallutik – umiarsuaq anginerugaluartoq. Umiarsuit ingerlasseqatigiinnissami atorneqartussat angineruneri peqqutaallutik inissisimanera pitsaaneruvoq nammineq umiarsuaatissanik mikinernik marlunnik sanatitsinerminngaanniit.

Eqqarsaatigissagutsigu umiarsuait anginerit atulernissaat, aammalu nunarsuarmioqatitsinnut attaveqalissasugut Reykjavikkimut tikinnermiit, taava tamanna isumaqarpoq Kalaallit Nunaannut avammullu assartorneqartussat annertuseriaateqarsinnaanerat, aningaasaliisoqaaqqinngikkaluartoq. Kalaallit Nunaat niuernerup iluani isiginiassagutsigu tamanna isumaqarpoq, umiarsuaatileqatigiiffimmit ammaassiffigineqartoq aalisarnerup, erngup, aatsitassarsiornerup allallumi iluini assartugassat annertuseriaateqarneri. Tamannalu iluaqutaasinnaalluarpoq.

**Eimskipip Atlantikup avannaani suleqatiginiarnera imaassinnaasoq ullumikkuminngaanniit "akikinnerunngitsoq". Tamanna oqaaseqarfigisinnaanngikkallarparput, tassami isiginiarneqaaqqaartussat arlaqarmata. Kisiannili Eimskipip suleqatiginissaa eqqarsaatigissagaanni tamanna Kalaallit Nunaata niueqatiginissaa eqqarsaatigalugu aningaasaliinikkut aningaasartuutissatigullu periarfissaavoq pitsaanerpaaq.**

----- 0 -----

### **Ingerlaarfimmit matoqqasumiit ammasumut**

Royal Arctic Linep ingerlariaasitoqarivaa immikkut ittunik Altantikku ingerlassineq Tunu Qaanaarlu eqqarsaatigalugit. Taassumalu saniatigut umiarsuit nalinginnaanerusut Sisimiunut Aasiannut illoqarfinnullumi allanut ingerlaartinneqartarlutik. Taamaasiortoqarnissaanullu siornatigut pisariaqartinneqartarsimavoq tungaviumik umiarsualiveqarnissaq, taamaasiortoqarnissaanullu tulleriaareriaatsit aallaavigalugit umiarsuit sivirusumik piareersarneqartarput aammalu kinguaattoornerit angummaffiginiarnissaat sivirusumutarlutik.

Tungaviumillu umiarsualiveqarnerup iluaniissimavoq aamma Kalaallit Nunaanni ilanngaaserinermut suliassat assigiinngitsut Grønlandshavninimminngaanniit isumagineqartarnissaat. Periuutsit taakkartorneqartut tassaapput allaffissornikkut qarasaasiakkullu suliassat, tassami toqqaannartumik misissuinerit Kalaallit Nunaanni ingerlanneqarsinnaagamik.

Ingerlasseqatigiinnissap Nuummilu umiarsualiviup Sikukip ingerlatitseqqiffittut atorineqalerpata Royal Arctic Lineminngaanniit Kalaallit Nunaata iluani immikkut ittumik assartuineq kisimi eqqarsaatigineqalissapput. Taamaasilluni Royal Arctic Linep Atlantiku ikaarlugu ingerlatseriaasia Nuup Kalaallit Nunaatalu avataani ingerlasseriaasinngussalluni nalinginnaasoq. Tamannalu isumaqarpoq Royal Arctic Lineminngaanniit umiarsualiviit nalinginnaanerit atorlugu ingerlanneqarsinnaanngussalluni, namminerisamik terminalit, quersuit, sannaviit, talittarfiit assigisaalu pigineqartariaarullutik.

----- 0 -----

Royal Arctic Lineminngaanniit maanna isiginiarneqarpoq Danmarkimi umiarsualivik sorleq pitsaanerpaassanersoq assartugassat Kalaallit Nunaanniit, Islandimiit Savalimmiuniit Danmarkimiillu annertussusaat aallaavigalugit. Pingaaruteqarluinnarpoq umiarsualiviup tikinneqarsinnaanissaa, akitigut naammassisaqarsinnaassutsikkullu unammillersinnaanera aammalu nunanut allanut assartuinerup ataqtigiissarneqarneranut attaveqalersinnaanissaq nunakkullu assartueriaaseq eqqarsaatigineqassalluni.

Aarhus Havni assartueqatigiinnermi umiarsualivissatut piukkunnaateqarpoq. Umiarsualivik Danmarkimi containerinut terminaliuvoq anginerpaaq, aammalu alleqqinneqarsinnaanissaanut suli periarfissaqarluni, tassami angissuseq eqqarsaatigalugu inissisimaffimmi 50 procentiinnaq atorineqarami. Danmarkimut containerit assartorneqartartut 60 procentii sinnerlugit Aarhusikkoortarput.

Aalborgi sapaatip akunneranut nunarsuarmut allamut marloriarluni ingerlariaqqittoqarsinnaaneranut periarfissiisooq, Aarhusi sapaatip akunneranut ingerlariaqqiffissaq 37-it nunanut assigiinngitsunut 19-inut

periarfissiivoq. Aalborgimi kraneq ataaseq umiarsuarmi kiffartuussinermi atornerqartarpoq, Aarhusimilu kranit arfineq-pingasut atornerqartarlutik. Umiarsuit maanna sanaartortitagut Aalborgimut maanna talissinnaangillat, kisiannili umiarsuiat Aarhusimut talissinnaapput immikkut ittumik ilisimasalimmik peqartariaqaratit aammalu anorimut silamullu sunnertianninnerullutik.

Aarhusimilu inissisimanerup aamma qulakkiissavaa biiliniq assartuinissap pitsaanerulernissaa aammalu quersuarni kiffartuussinissaq isumannaanerulissalluni, taakualu ingerlanneqarnissaannut aningaasartuutissat appasinnerussallutik. Taakualu saniatigut aamma eqaannerusumik tuniniaasut assartuisullu suleqatigisinnaangornissaat Kalaallit Nunaata niueqatigineqarsinnaanersanut unammillertitsinerulissallutik.

Aningaasartuutit qaffasinnerat pequtaallutik Kalaallit Nunaanni akigititaasut qaffarissorujussuupput. Periarfissallu nutaat aallaavigalugit kalaallit assartueriaasiat isigalugu sipaarutissat 19 -29 million koruunit akornaniissapput.

Royal Arctic Linep Danmarkimi tunngaviusumik umiarsualiveqarneranut atatillugu namminerisamik umiarsualiveqarnerup quersuaqarnerullu iluani ingerlatseriaaseq allaffissoriaaserlu eqqarsaatigalugit suliallit 110-t missaanniittut atorunnaarsittariaqassavaat. Atuisunut kiffartuussinernup iluani suliaqartut 10-it ataannartinneqassapput. Royal Arctic Linemi allaffissornikkut sipaaruteqartoqassaaq saniatigullu unammillersinnaanerusunik kiffartuussinernik atuisoqalissalluni, taakualu umiarsuaatileqatigiiffiit allat aamma aningaasaleeqataaffigissavaat.

**Tnngaviusumik umiarsualiveqartariaqarnermut tunngatillugu siunissami taamaattumik pisariaqartitsisoqarnavianngilaq. Tunngaviusumilli umiarsualiveqartoqarusuppat tassaassaaq Sikuki Harbour. Kalaallit Nunaanni angallannerup iluani, attaveqatigiinnerup iluani Nuummilu umiarsualiviliortitsisoqarneranit Aalborgip pisariaqartinneqarnera eqqorneqarpoq. Digitaliseeriinerlu aamma nunarsuarmi niuernermut ammaasivoq.**

----- 0 -----

Kalaallit Nunaannit avammut assartorneqartartut eqqarsaatigissagaanni Aarhusi aqqutigissatillugu periarfissaqarnerulissapput, tassami Aarhusimit kiffartuussissutaasinnaasut aallaagivalugit toqqaannarnerusumik ingerlaneqarsinnaassammata. Aammami Aarhus Havnimi assartugassanut avammut ingerlanneqaqqittussanut ingerlatsitseqqiffiusumi oqartussaasut inissisimmata. Tamannalu aqqutigalugu Kalaallit Nunaanninngaanniit avammut assartugassat toqqaannarnerusumik ingerlanneqarsinnaanerat periarfissiiffigineqassalluni.

Jyllandip avannaani qerititsiveqarnerup Aarhusimullu lastbiiliniq assartuinnermi aningaasartuutaasartussat eqqarsaatigalugit taakkua Aarhus Havnip kiffartuussissutiginnaasaat iluaqutissartaalu isiginiassagaanni naligiipjaalertarput.

Eimskipip attaveqatai atorlugit sapaatip akunnikkaartumik Kalaallit Nunaannut avammullu Reykjavik toqqaannartumik aqqusaarlugu ingerlatsinerup aamma iluaniippoq USA-mut USA-miillu attaveqarnek aammalu europap avannaatungaaniittunut attaveqarnek (Rotterdam Hamburgilu). Ingerlatseriaaserlu taanna isiginiassagaanni aamma ujartorneqarnikuulluni Kalaallit Nunaannut pitsaanerpaamik attaveqartarnissaq.

Ingerlaarfimmi tassani peqataanerup qulakkiissavaa Kalaallit Nunaata eqaannerusumik ingerlatsisinnaanissaa ingerlatsiniarnermi ajornakusoorfinni, tassami Atlantiku ikaarlugu ingerlaartoqarsinnaanngitsillugu Islandikkut ingerlaartoqarsinnaammat.

2013-imi aalisakkat qaleruallillu Kalaallit Nunaanninngaanniit avammut assartorneqartut 2,9 milliardit koruunit nalingisut annertutigipput. Danmarkimi avammut ingerlatitseqqinnermi Danmarkip tamanna 360 millioner koruuninik (2013-imi) isertitaqaatigivaa. Taakkunani 330 millionit raajaninngaanneerput 25-39 millioner koruunillu qaleralinneerlutillu saarullinninngaanneersimallutik. Isertitaqaataasartullu eqqarsaatigissagaanni tamanna Kalaallit Nunaannut nuunneqarnissaa pilerinaateqarpoq.

Danmarkimi umiarsualivinni talittarfigisaq Aarhusinngussappat, tassanilu containerinut ingerlariaqqiffissat inissiffissallu eqqarsaatigissagaanni umiarsuaatileqatigiiffiit allat suleqatigisinnaaneri pitsaanerulissapput. Taamaasiornikkullu Royal Arctic Line suliassap pisataanik ingerlatsisutut atorneqarsinnaalissaaq, taamaasiornikkullu toqqaannarnerusumik Kalaallit Nunaanninngaanniit isumaqatigiissusiorsinnaanngussalluni assartuisartunik allanik ilalersoqqaanngikkaluarluni. Taamaasiortoqassappat Kalaallit Nunaata iluani suliffissanik pilersitsisoqassaaq, taassumalu aamma saniatigut containerit Kalaallit Nunaanninngaanniit avammut nassiunneqartut Danmarkimi poortorneqaaqqittariaqarunnaassallutik.

----- 0 -----

#### **Akuersissut ataannartinneqassaaq**

Akuersissut taamaatiinnarniarneqarpa Atlantikukkullu angallassinermi iluanaarutit islandimiunut Eimskipikkunnut tunniullutigit? Naamik. Ingerlasseqatigiinneq assartuinerup iluani suleqatigiinneruvoq niuernerup iluani suleqatigiinnerunani. Tamannalu isumaqarpoq Royal Arctic Line suli Kalaallit Nunaanni angallassissasoq. Umiarsuit pingasuusut iluini marluk Eimskipip umiarsuaatigivai. Soorluttaat umiarsuit pingasut iluini umiarsuaq ataaseq Royal Arctic Linep umiarsuaatigissagaa, taannalu Islandimut Savalimmiunullu ingerlaartassaaq. **Arlaatigut isertitatigut annaasaqarnaviangilagut aammalu isertitatsinnik agguanaviarnata. Royal Arctic Linep kiffartuuseriaasiatigut allannguisoqarnaviangilaq, taamaallaalli umiarsuit tikittartut ilaasa qalipaataat allaanerujumaarpoq.**

**Ingerlasseqatigiinnerup iluani suleqatigiinnerup iluaqutigivai tamatsinnut aningaasartuutissat annikinnerunissaat.**

**Atuisutsinnut allanngortoqarnaviangilaq. Kalaallit Nunaannut attuumassusilinnut angallassineq tassaannaanngilaq Nuummumut Nuummiillu angallassineq, Atlantikukkullu angallassinermi iluani isertitatarineqartut avannut nunanut allanut assartuinerit aningaasalersussavaat.**

----- 0 -----

Naggasiutitut oqaatigineqarsinnaavoq Eimskipip ingerlasseqatigininarneqartooq tamanna aningaasaqarnikkut aaqqiissutaammat pitsaanerpaaq. Aaqqiissullu taanna Kalaallit Nunaanni inuiaqatigiinnut assartuinerumut Kalaallit Nunaatalu nunat allat niueqatigisinnaanissaanut aaqqiissut pitsaanerpaavoq. Taassumalu aamma iluaniippoq avammut assartuinerup iluani suliffissanik pilersitsineq. Tunngaviusumillu umiarsualiveqartariaqarnerup qimanneqarnissaa, taassumalu Aalborgimut kinguneqartitsivoq.

Ingerlasseqatigiinnerup aammalu tunngaviumik umiarsualiveqartariaqarnerup atorunnaarsinneqarnerata aamma iluaqutigivaa Royal Arctic Linep Kalaallit Nunaanni avammullu imartatigut assartuinissami ingerlatsisussatut akisussaasutullu pitsaanutsumik ingerlatsisinnaalernissaa. Aningaasatigut iluaqutissat taakkartorneqarput, taakkualu Eimskipimit aamma malugineqartussaapput, tassanilu eqqartorneqanngillat pigeriikkatsinnik annaasaqarneq. Tassami iliuuseriniakkatsinnut sulii attuumassuteqannginnatta.

Uagut kissaatigaarput Royal Arctic Line Kalaallit Nunaannut sullississasoq. Anguniagarpullu tassaavoq ”Kalaallit Nunaata ajornannginnerusumik niueqatigineqarsinnaanissaa” taamaasiornikkullu Kalaallit Nunaata pisuunngortiallaneqarnissaanut periarfissuussalluta.

Nuuk, maajip 29-at2017

Paasissutissat ataani takuneqarsinnaapput.

### **Paasissutissat: Kalaallit Nunaannut suna pitsaaqutaava?**

Ingerlasseqatigiinnermi **pitsaaqutaasussat** ilaatigut uku pilersinneqassapput:

1. Kalaallit Nunaanniit avammullu siunissamut qulakkeerinnittumik attaveqarneq
2. Sikuki Nuuk Harbourip atorluarneqarnera
3. Kalaallit Nunaannut aningaasatigut aaqqiissutaasinnaasoq pitsaanerpaaq
4. Pilersuinissamut qulakkeerinnineq pitsaaneq, tassami Atlantikukkut ingerlatsinermi umiarsuit immikkut sanaat pisariaqartinneqarunnaassammata
5. Ukioq naallugu piffissaq eqqornerullugu sapaatip akunnikkaartumik kiffartuussinerit
6. Reykjavikkimut sapaatip akunnikkaartumik kiffartuussinerit (Europamit avammullu, Amerikap avannaanut Islandimullu)
7. Aarhus aqutugalugu attaveqaatit pitsaanerit pilersinneqassapput soorlutaaq Danmarkinngaanniit Kalaallit Nunaat nunat allat assartuinerup iluani attaveqarnerannut ilanngunneqassasoq Attaveqarfissallu taakkua pilersitsissapput avammullu assartuinerup iluani umiarsuaatileqatigiiffiit allat nunarsuatsinniittut toqqaannartumik isumaqatigiissusiorfigineqarsinnaanissaat, taamaasiornikkullu Kalaallit Nunaanninngaanniit containerinik suliaqarnikkut tunininaanikkullu aningaasartuutissat annikillisinneqassapput Danmarkki aqutigeqqartariaqarnagu.

Kalaallit Nunaanni atortussat eqqarsaatigalugit eqqussuunneqartartut 3 milliarder koruunit missaanniinnissaat ilimagineqarpoq. 2016-imi aalisakkanik avammullu assartuineq Kalaallit Nunaannut 3,3 milliarder koruunit missaannik isertitsissutaasimavoq. Assartuikkani pineqartut tassaapput nioqqutissiat suliaqqinneqanngitsut (aalisakkat raajallu uunneqanngitsut) Danmarkimi tunisassiarineqarlutillu tuniniarneqartussat 2,6 milliarder koruunit nalinginut aammalu nioqqutissat suliarineqareersut (aalisakkat raajallu) 660 millioner koruunit nalinginut Danmarkimi quersuarnut tuniniaqqitassatullu assartorneqarsimasut. Avammullu assartuinnermi assartukkat sinneri nioqqutissanut tuniniaavinnut, Polenimi Kinamilu fabrikinut allanullu tunisassiorfinnut ingerlateqqinneqartarput.

Kalaallit Nunaanni niuernerup iluani illoqarfinnut annernut assartuinermi aningaasartuutit, aningaasartuutit ataatsimut nalinganit, 8 %-iupput. Kalaallit Nunaanniittullu allat eqqarsaatigissagutsigit assartuinermut annerusumik aningaasartuuteqartarlutik – agguqatigiisillugu aningaasartuutit 16 %-ipajaamiissimassapput.

### **Iluqaataasinnaasut allat**

Aarhus Havnip Danmarkimimi umiarsualivittut atorneqalerneranit toqqaannarnerusumik maannamut niuerniartarfisatsinnut attaveqalissaagut nutaanullumi:

1. Kalaallit Nunaata atortussatigut Danmarkiminggaanniit pisariaqartitaanut Aarhusimut assartuinermut sipaaruteqarneq Aalborgimut sanilliullugu (km-i eqqarsaatigalugit)
2. Jyllandip kangiani quersuaqarneq eqqarsaatigalugu Jyllandip avannaani assartugassanik suliareqqiineq
3. Danmarkimi containerinik suliaqarnerup iluani unammillernerup pitsaanerulernissaa
4. Toqqaannarnerusumik niuersinnaanerup pitsaanerulersinneqarnissaa. Tamannalu imaassangatinneqarpoq (?)
5. Atortussanik niuernerup iluani unammillernerunissaq pilersuinerullu iluani assigiinngiaarneruneg
6. Quersuarmiititsinerlu eqqarsaatigalugu pituttorsimanerit annikinnerit

### **Aningaasat**

Ingerlasseqatigiinneq 30 millioner koruunit missaannik toqqaannertumik sipaaruteqarfiussaaq. Ukiumut kiffartuussinerit sapaatip akunnerikkaartut 5 millioner koruunit missaanniinnissaat naatsorsuutigineqarpoq (atortussanillu niuernerup iluani aningaasat 8 millioner koruunit missaanniupput). Kalaallit Nunaannullu assartuinerup iluani iluanaaarutaasussat 7,5 millioner koruunit missaaniissangatinneqarput. Taakkunanilu ilanngunneqanngillat avammut aalisakkanik qalerualinnillu assartuinerup iluani Kalaallit Nunaata isertitarisinnaasaat 42,5 millioner koruunit 45,5 millioner koruunit akornaniissangatinneqartut.

Kalaallit Nunaata nammineerluni tunisassiaatini nunanut allanut toqqaannartumik tunisalersinnaagunigit, Kalaallit Nunaata avammut tunisassiarisartagaanni tamanna qaffariaateqassaaq. Danmarkip avammut assartorneqartunut aningaasatigut isertitarisartagaat 367 millioner koruunit missaanniupput 2013-imi isertitarineqarsimasut eqqarsaatigalugit. Missingersuutit taakkartorneqartut "Institut for fødevare- og ressourceøkonomi, Københavns Universitet og Grønlands Statistik"-iminngaanneerput, nalunaarusiarlu decembari 2016-imi saqqummersinneqarpoq, tassanilu pineqartut tassaapput "Økonomisk Analyse af værdikæder for grønlandske fiskeprodukter (Kalaallit Nunaanni aalisakkatigut nioqqtissat aningaasatigut naleqassusaasa mississorneqarnerat)" tabelilu ataani takuneqarsinnaasoq tassanngaanneerpoq (VHA).

Potentiel merværdi ved direkte eksport fra Grønland til verden.

Baseret på 2013 tal DKK 1.000		Grønlandsk eksport			Dansk eksport				Merværdi potentiale for direkte eksport v/samme pris (DKK 1.000)	
Produkt	Art	tons	kr./kg.	DKK 1.000	tons	kr./kg.	DKK 1.000	GR andel	GL ny værdi	Merværdi
Rejer (*)	Skalrejer	36,388	27.34	994,848	59,442	29.23	1,737,490	61%	1,063,621	68,773
	Pillede	18,945	43.88	831,307	24,784	57.62	1,428,054	76%	1,091,611	260,304
	<b>Total</b>	<b>55,333</b>	<b>33.00</b>	<b>1,826,155</b>	<b>84,226</b>	<b>37.58</b>	<b>3,165,544</b>	<b>66%</b>	<b>2,155,232</b>	<b>329,078</b>
Hellefisk	Hel frosset	21,437	31.15	667,763	27,082	32.33	875,561	79%	693,058	25,296
	Filet, Frosset	2,125	65.19	138,529	2,125	65.19	138,529	100%	138,529	-
	Andet	4,644	20.63	95,806	4,644	20.63	95,806	100%	95,806	-
<b>Total</b>	<b>28,206</b>	<b>31.98</b>	<b>902,097</b>	<b>33,851</b>	<b>32.79</b>	<b>1,109,896</b>	<b>83%</b>	<b>927,393</b>	<b>25,296</b>	
Torsk	Hel frosset	6,599	11.24	74,173	84,400	13.30		8%	87,767	13,594
	Filet, Frosset	2,353	21.82	51,342					-	
	Saltet/Tørret	754	25.38	19,137					-	
<b>Total</b>	<b>9,706</b>	<b>14.90</b>	<b>144,652</b>						<b>87,767</b>	<b>13,594</b>
<b>Total potentiel merværdi for eksporten (2013 tal)</b>									<b>367,967</b>	

Naatsorsuussaq uppernaangajappoq, tassami suliffeqarfinnik Kalaallit Nunaannut nuussisariaqaratta atorluuanissaq eqqarsaatigalugu. Taasumalu aamma saniatigut EU imaassinnaasoq piumasaqaateqartoq tunissassiat suliarineqarnissaannut atatillugu. Taamaattumillu oqaatigineqarsinnaagunarpoq toqqaannarnerusumik avammut assartuisoqalissappat isertitaqaataasartut 10 %-iinnai Kalaallit Nunaannut tussinnaassasut. Tamannalu taakkartorneqareersut saniatigut 36 millioner koruuninik qaffariaateqartitsissalluni.

Aalborg Kommuneminngaanniit siornatigut oqaatigineqareerpoq Kalaallit Nunaannut assartuinerup iluani suliaqartut tassaasut sulisut 1.200 –it 1.500-rujullu akornanni amerlassusillit, taakkualu kommunimut 1 milliard koruuninik naleqartut. Soorunami assartugassanik suliaqarneq sumiikkaluaruniluunniit Danmarkimut arlaatigut isertitaqaataavoq, taamaattumik Danmarkimi iluanaarutaasut tamarmik Kalaallit Nunaannut nuunneqarsinnaangillat. Kisiannili avammut assartuinerup iluani Kalaallit Nunaata aningaasaqarneranut iluaqutaasinnaasumik nuussisoqarsinnaavoq.

Tassungalu atatillugu aningaasatigut isertitaqaataasinnaasut 80 millioner koruunit missaanniinnissaat ilimagineqarsinnaavoq siumungaarlu isigissagutta sulii annerulersinnaalluni.

**Piffissami qaninnerusumi ungasinnerusumilu aningaasartuutissat qaffariaateqarnissaat**

Jyllandip avataani nillartaartitsiveqarnerup iluani assartuinerup iluani aningaasartuutissat qaffariaateqarnissaat ilimanarpoq: kg-mut koruunit eqqarsaatigissagaanni tassani pineqartoq tassaavo q kg-mut 8-14 ørit. Aningaasartuutillu taakkua aningaasartuutaajunnaariartorumaarlutik piffissaq ungasinnerusoq eqqarsaatigalugu assartuinerup iluani aqqiissuteqartoqarpat, imaassinnaavoq Kalaallit Nunaanniit assartuinerup toqqaannartunnngortinneqarnera imaluunniit nillartaartitsiviit nuunneqarnerat. Royal Greenlandiminngaanniit ukiumut aningaasartuutissat 4,5 millioner koruuniissangatinneqarput. Polar Seafoodimiillu aningaasartuutissat appasinnerullutik. Periarfissalli eqqarsaatigissagaanni Kalaallit Nunaanninngaanniit toqqaannarnerusumik avammut assartuinissamut iluanaarutaasinnaasut qaffatsinneqarsinnaanerat kajumissaarutaqaataasinnaavoq aammalu aningaasat annertussusissaat eqqartorneqarsinnaalluni. Tassanilu eqqarsaatigineqarsimangillat Aalborg Havnimit Royal Arctic Linemit Rotterdamimut Hamburgimullu suliarineqartartut. Tamannalu taamaaginnarnaviangilaq (NB: tusagassiutinit soqutigineqarsinnaavoq ”Royal Arctic Line Aalborg Havnimi ingerlatsisuujuunnaarpoq – soraarsitsinissaq

pissaaq”, oqaaserineqartuniimmi una pilersinneqarsinnaammat) pissutsillu pisimasut pisussallu imminnut sanillitissagaanni aningaasartuutissat appasinnerussapput.

Soorunami Aalborgip atorunnaariartuaarnissaanut aningaasartuutissaqarpoq kisiannili taakua annertussusissaat arlaatigulluunniit pilersaarusanut ajoqusiisinaanerat ilimagineqanngilat.

(Allagaq tamaanga killeqarpoq)